

Headline	Bangun tanah wakaf tanam pokok buah		
MediaTitle	Harian Metro		
Date	27 Aug 2019	Color	Full Color
Section	Setempat	Circulation	112,705
Page No	26	Readership	338,115
Language	Malay	ArticleSize	264 cm ²
Journalist	N/A	AdValue	RM 10,360
Frequency	Daily	PR Value	RM 31,080



ABDUL Ghariff (empat dari kiri) merasmikan Program Lebihkan Makan Buah-Buahan Tempatan Peringkat Sekolah Negeri Selangor 2019 di Sekolah Kebangsaan Kampung Johan Setia, Klang.

Bangun tanah wakaf tanam pokok buah

Klang: Lembaga Pemasaran Pertanian Persekutuan (FAMA) Selangor sedia berbincang dengan kerajaan negeri dalam usaha membangunkan tanah wakaf di negeri ini untuk penanaman pokok buah-buahan.

Pengarahnya, Datuk Abdul Ghariff Ramin berkata, perancangan itu baru diumumkan dan pihaknya akan bertemu kerajaan negeri untuk perbincangan lanjut.

"Buat masa ini belum ada perbincangan tetapi ia adalah dasar kita untuk menggalakkan tanaman dan pengeluaran buah-buahan tempatan di tanah terbiar supaya digunakan sepenuhnya.

"Tanah bawah Perbadanan Kemajuan Pertanian Selangor (PKPS) pula diwartakan untuk tanaman buah bermusim terutama durian.

"Kita akan sentiasa mengadakan perbincangan dengan kerajaan negeri dan Exco mengenai lokasi hendak dimajukan seperti Sa-

bak Bernam atau Kuala Selangor," katanya.

Beliau berkata demikian dalam sidang media Program Lebihkan Makan Buah-Buahan Tempatan Peringkat Negeri Selangor 2019 di Sekolah Kebangsaan (SK) Kampung Johan Setia, di sini, semalam.

Hadir sama, Pengarah Kanan Galakan Pasaran Dalam Negara dan Pemasaran Online FAMA Malaysia, Mohamad Mustahapa

Awang dan Guru Besar SK Kampung Johan Setia, Norazmi Ibrahim.

Beliau berkata, jika ada tanah terbiar yang dikenal pasti, ia mungkin dibawa kepada Unit Perancang Ekonomi Negeri (UPEN) untuk dibincangkan.

Media sebelum ini melaporkan, perancangan FAMA Malaysia untuk membangunkan tanah wakaf terbiar khususnya di pinggir bandar dan kawasan terpencil di seluruh negara dengan penanaman durian Musang King.



MURID menikmati buah-buahan yang disediakan pada Program Lebihkan Makan Buah-Buahan Tempatan.